



# Comune de Putumajore

Provìntzia de Tàtari

## Avisu pùblicu pro s'adotzione de measuras urgentes de solidariedade alimentare

### Bidas:

- s'Ordinàntzia de su Capu de su Dipartimentu de sa protettione tzivile n. 658 de su 30/03/2020 chi gughet: "Ulteriores interbentos urgentes de protettione tzivile in relatzione a s'emergèntzia relativa a s'arriscu sanitàriu connessu a su cumentzu de una maladia chi derivat dae agentes virales chi si podent trasmitere".
- Sa deliberatzione de sa Giunta Comunale n. 24 in data 02/04/2020 chi disponet, tra sas àteras cosas, chi:

Su bonu pro s'ispesa est proportzionadu a sas rechestas chi ant a èssere achisidas a su protocollu generale de s'ente;

su dinari assignadu dae su Ministeru a su Comune de Putumajore at a èssere partzida gasi:

- € 15.000,00 de destinare, in partes ugualas a chie, tra sos titulares de partida IVA chi ant dèvidu serrare s'atividade, lu rechedit;
- € 7.193,17 de destinare, in partes ugualas, a sos rechedentes chi faghent parte de sas àteras categorias de sos sugetos chi si podent ammitere, e a manera ispetzifica:
  - Titulares de Partida IVA chi ant àpidu una minimadura importante de sos balàngios;
  - A sas famillias chi sunt espostas a manera particolare a sos discumbènios econòmicos chi derivant dae s'emergèntzia de s'epidèmia dae su virus Covid-19 (famillias chi si campaiant cun traballos non regulares);
  - a famillias chi no ant àteras formas de sustennu pùblicu.

Si leet a cunsideru chi sas modalidades cun sas cales s'ant a definire sas pessones destinatàrias de sas iniziativas de solidariedade alimentare sunt in fase de ufizializatzione dae parte de sos organos cumpetentes. Diat pòdere èssere chi calicunu tra sos chi ant presentadu rechesta siat esclùsu ca no at sos rechisidos prevididos dae custas linias guida in fase de ufizializatzione.

In sa gestione de sas resursas at a èssere dada prioridade a sas famillias chi no ant sustennu pùblicu (Rdc, Rei, Naspi, indennidade de mobilitade, cassa integratzione balàngios, àteras formas de sustennu prevididas a livellu locale o regionale).

Chie deccarat cosas non beras, non solu at a èssere esclùsu deretu dae sos benefitzios, ma at a èssere denunziadu in sas sedes cumpetentes.

Sa rechesta s'at a dèvere presentare solu cun su modelu allegadu chi si podet iscarrigare dae su giassu istituzionale de s'ente: <https://comune.pozzomaggiore.ss.it>.

Sa rechesta s'at a dèvere imbiare pro mèdiu de una mail a s'indirizzu chi sighit: [protocollo@pec.comune.pozzomaggiore.ss.it](mailto:protocollo@pec.comune.pozzomaggiore.ss.it), cun allegadu s'iscansione de unu documentu de identidade de chie la presentat, o presentada in sos ufizios comunales dae sas 10.00 a sas 12.00. Chie no la podet imbiare cun sa e-mail la podet imbiare cun su fax a su nùmeru **079 800155**.

**Onni titolare de impresa o famiglia podet presentare solu una rechesta chi at a dèvere pervènnere a su Comune, cun sas modalidades mentovadas in subra,**

**INTRO E NO A FORA DE SAS 13.00 DE CHENÀBURA 10 DE ABRILE DE SU 2020.**

Custa amministrazzione at a dare a chie nd'at titulu unu **bonu pro s'ispesa** de impreare solu pro comporare bene de netzessidade primàrgia in sos esertitzios cummertziales chi sighint chi ant aderidu a sa rechesta de sos servitzios sotziales comunales:

- Furrù de su pane Artigianale de Oppes Maurizio carrela Grazia Deledda;
- Furrù de su pane Sanna carrela Concordia e Zona PIP;
- Furrù de su pane F.des Oppes P.tza Maggiore;
- Furrù de su pane Paba Uccio carrela Ulumos e carrela Matteotti;
- Maselleria Oppes Raimondo carrela Grande;
- Maselleria S'Ispinu carrela Ulumos;
- Supermercato ABC Omnia srl carrela Gramsci;
- Supermercato ANCO srl carrela Mercato;
- Riu Market de Pinna Giancarlo carrela Riu Mele;
- Saiu Teresa carrela Grande;
- Butecària Sardù- Pancaldi carrela Grande;
- MAC de Mario Cappai carrela Grande;
- Casule Gianuario Salvatore- rivendita bombole-carrela Convento;
- Cappai & Lisai -carrela Grande;
- Natura Bior de Tore Senes carrela Dante;
- 3M Impianti carrela Pinna Parpaglia;
- New Edil de Oppes & Calaresu srl;
- Meloni Gavino Edilizia
- Fonnesu Salvatore sas de Fonnesu Antonella & C.;
- Fonnesu Nicolino.



Custu bandu at a èssere vàlidu finas a cando non finit su dinari a dispositzione.

Informatziones ulteriores s'ant a podere rechèdere a sos amministradores o a sos indirizzos de posta eletrònica chi sighint:

[amministrativo@comune.pozzomaggiore.ss.it](mailto:amministrativo@comune.pozzomaggiore.ss.it) - [servizisociali@comune.pozzomaggiore.ss.it](mailto:servizisociali@comune.pozzomaggiore.ss.it)

Data 3 de aprile de su 2020

Il Sindaco  
Mariano Soro